

Hnub: 9 Hlis Ntuj tim 10, 2020Cuag tau: Vaynesia Kendrick
Cell: (414) 562-7018
Email: vnewma@milwaukee.gov

**City of Milwaukee Health Department lub Chaw Ua Hauj Lwm Tiv Thaiv Kev Ua
Phem Thov Cov Pej Xeem Hauv Lub Nroog kom Paub Ntau Ntiv Txog Kev Yus Txo
Yus Txoj Sia thiab Nrhiav Kev Tiv Thaiv**

*Mayor Tom Barrett yuav muab ib qhov Kev Tshaj Tawm ua kev nco txog lub 9 Hlis Ntuj uas
yog lub Hlis Tiv Thaiv Kev Yus Txo Yus Txoj Sia thiab Rov Qab Zoo Los*

MILWAUKEE – Lub lim piam 9 Hlis Ntuj tim 6-12, 2020 yog lub Lim Piam Tiv Thaiv Kev Yus Txo Yus Txoj Sia Thooob Teb Chaws (National Suicide Prevention Week), thiab lub 9 Hlis Ntuj tim 10 yog **Hnub Tiv Thaiv Kev Yus Txo Yus Txoj Sia Thooob Ntiaj Teb (World Suicide Prevention Day)**. Nyob rau hnub nntawd, muaj laab tus neeg thooob ntiaj teb sib koom lawv cov suab los hais ib lo lus txog kev cia siab thiab kom daws tau qhov teeb meem. Raws li lub koom haum Centers for Disease Control and Prevention (CDC), txhua xyoo muaj thaj tsam 800,000 tus neeg txo lawv txoj sia nyob hauv ntiaj teb, uas yog kwv yees li **40 seconds twg ib tug neeg tau tas sim neej**.

Lub 9 Hlis Ntuj tim 10, 2020, Mayor Tom Barrett thia lub Chaw Ua Hauj Lwm Tiv Thaiv Kev Ua Phem yuav koom nrog cov neeg muab kev txhawb hauv zej zog los nco txog cov neeg dim ntawm txoj kev tuag rov qab los, thiab yuav tshaj tawm txog kev nco txog cov neeg tau tas sim neeg rau txoj kev yus txo yus txoj sia. Raws li Milwaukee County Medical Examiner, Milwaukee pom qhov kev yus txo yus txoj sia nce txog 300% nyob rau lub 8 Hli Ntuj nkaus xwb. “Lub sij hawm thiab qhov tseem ceeb ntawm kev tiv thaiv ntxiv rau kev yus txo yus txoj sia nyob hauv peb lub nroog tsis txhob xav hais tias tsis yog ib qho tsis loj. Nws yog ib qhov pom tseeb lawm hais tias lub sij hawm muaj kab mob COVID-19 sib kis neeg muaj kev nyuaj siab ntau tshaj ntxiv thiab muaj kev tu siab heev,” Mayor Tom Barrett hais. “Peb pom qhov kev sib cuam tshuam ntawm kev ua neej thiab tus kab mob no, xws li poob hauj lwm, thiab nyuaj siab, ntxhov siab, meem txom ntau ntxiv tuaj, siv yeeb siv tshuaj txhaum cai thiab yus txo yus txoj sia. Lub sij hawm peb nrhiav kev los kho tus kab mob no, peb yuav tsum nrhiav txoj hauv kev los coj cov neeg los ua ke, nyob rau saum huab cua los yog nyob kom sib nrug, kom muab tau kev cia siab thiab kev txhawb rau lub neej yav tom ntej.”

“Cov pej xeem hauv Milwaukee yuav tsum muaj peev xwm siv tau cov kev pab cuam kom zoo xws li kev tiv thaiv thiab kev pab rau kev mob hlwb (mental health) uas yuav pab kom tau lawv zoo rov qab los thiab ua lub neej muaj txiaj ntsim thiab muaj kev noj qab haus huv,” Vaynesia Kendrick, Tus ua hauj lwm Adolescent Suicide Prevention Specialist rau lub chaw Ua Hauj Lwm Tiv Thaiv Kev Ua Phem.

Qhov zoo ntawm kev tiv thaiv thiab ua kom yeej kev mob hlwb (mental health), kev npaj yus txo yus txoj sia thiab kev puas ntsoog, thiab kev siv yeeb siv tshuaj txhaum cai yog ib qhov tseem ceeb, peb yog ib cov pej xeem nyob koom zej kom zos peb yuav tau koom tes ua hauj lwm ua ke los tshaj tawm txog cov lus kom muaj kev cia siab thiab kho tau tus mob hlwb (mental health) uas raug rau tej tus neeg.

Lub sij hawm peb nyob rau hauv txoj kev muaj kab mob sib kis thoob plaws ntiaj teb, tsis muaj txoj kev ncaj ncees rau tej pab pawg neeg thiab muaj kev tawm tsam (civil unrest), peb yuav tsum tau txhawb nqa peb tsev neeg, cov phooj ywg, cov khub ua hauj lwm kom paub txog cov cim ntawm qhov teeb meem, thiab qhia rau cov neeg xav tau kev pab kom lawv tau txais kev pab kom haum thiab tau kev txhawb. Qhov kev Tshaj Tawm txog Kev Tiv Thaiv thiab Qhia Kom Paub Txog Kev Yus Txo Yus Txoj Sia yuav muaj nyob saum huab cua rau lub 9 Hlis Ntuj tim 10, 2020 pib thaum 12:30 pm-1:00 pm.

Qhov kev tshaj tawm no yuav muaj nyob rau hauv lub Chaw Ua Hauj Lwm Tiv Thaiv Kev Ua Phem qhov Facebook page thiab hauv Zoom. ***KOOM UA KE, PEB YUAV NRHIAV TAU KEV CIA SIAB, YUAV UA TAU SIAB TAWV QHAWV THIAB PAB TAU TXOJ KEV ZOO ROV QAB LOS.***

###